



Karlhajncu Dobnigu potražuju Austrija i Njemačka

Uhapšen bivši direktor 'Raiffeisen banke' u BiH

Prema nalogu Tužilaštva, **SIPA** obavila pretres u Sarajevu, sumnjiči se za pranje novca

Bivši direktor „Raiffeisen banke“ u BiH Karlhajnc Dobnig (Karlheinz Dobnigg), kojeg u zajedničkoj operaciji s partnerskim institucijama Austrije i Njemačke potražuju **SIPA** i Tužilaštvo BiH, uhapšen je jučer u Austriji, saznaje „Dnevni avaz“.

On je pod istragom zbog sumnje u finansijski kriminal i pranje novca, a prema nalogu Suda i Tužilaštva BiH, **SIPA** je jučer u Sarajevu pretresla jednu lokaciju, odakle je izuzeta poslovna dokumentacija.

- Istraga se odnosi na sumnje u finansijski kriminal i pranje novca, u odnosu



Dobnig: Bio direktor godinama

na dodjele određenih finansijskih doznaka i uplata u ukupnom iznosu od oko pola miliona eura - rečeno

je jučer iz Tužilaštva BiH.

Dobnig jučer nije pronađen na svojoj adresi u Sarajevu na kojoj je bio

prijavljen, a kako saznajemo, Sarajevo je napustio 31. marta. Uz koordinaciju s istražiteljima i tužiocima Austrije, prema čijoj zamolnici bh. pravosuđe postupa, uhapšen je jučer u ovoj državi.

Dobnig je prije pola godine smijenjen s pozicije direktora, nakon što su otkrivene nepravilnosti. Postupajući tužiocima danas će se zaputiti u Austriju. Dobnig je bio pod istragom skoro godinu, a sve su prvo otkrili uposlenici Agencije za bankarstvo FBiH.

Iz Banke tvrde da nisu bili upoznati o pranju novca. **M. Aš.**